



**KETUA PENGARAH KESIHATAN MALAYSIA
DIRECTOR GENERAL OF HEALTH MALAYSIA**

Kementerian Kesihatan Malaysia,
Aras 12, Blok E7, Parcel E,
Pusat Pentadbiran Kerajaan
Persekutuan,
62590 Putrajaya

Tel : 603-8883 2545
Faks : 603-8889 5542
E-mail : hasar@moh.gov.my

**KENYATAAN AKHBAR
KETUA PENGARAH KESIHATAN MALAYSIA**

SITUASI SEMASA DEMAM DENGGI DI MALAYSIA

Bagi Minggu 27/2012 (1 hingga 7 Julai 2012)

Pada minggu ke-27 bagi tahun 2012, iaitu dari 1 hingga 7 Julai, terdapat satu (1) kes kematian akibat Denggi dilaporkan, menjadikan jumlah korban akibat Denggi di seluruh negara sehingga kini telah meningkat kepada 25 kematian berbanding 19 kematian bagi tempoh yang sama pada tahun lepas. Kes kematian ini melibatkan seorang guru lelaki berusia 52 tahun dari Perak yang juga mempunyai sejarah penyakit Diabetes dan Darah Tinggi. Pesakit yang mendapatkan rawatan pertama selepas dua hari mengalami demam, sakit kepala dan muntah, telah dimasukkan ke wad sebelum dirujuk ke Unit Rawatan Rapi (ICU) hospital pada keesokan harinya bagi mendapatkan rawatan lanjut. Pesakit walau bagaimanapun meninggal dunia selepas sehari dirawat di ICU dengan diagnosa *Dengue Shock Syndrome*. Kawasan kediaman pesakit merupakan lokaliti wabak yang sehingga kini telah melaporkan sebanyak 6 kes dan dipercayai merupakan tempat punca jangkitan berlaku kepada pesakit. Hasil pemeriksaan menjumpai dua tong terbuang mengandungi pembiakan Aedes. Sehubungan dengan itu, tindakan penguatkuasaan yang tegas telah diambil terhadap seorang pemilik premis dengan mengeluarkan kompaun maksima RM500 atas kesalahan tersebut. Bagi mempastikan tempat pembiakan Aedes dihapuskan, satu aktiviti

gotong royong telah dijalankan oleh masyarakat setempat bagi memastikan kejadian demam Denggi di kawasan tersebut dapat dibendung dan mengelak daripada berulangnya kes kematian akibat Denggi.

Pada minggu ke-27 ini, sejumlah 364 kes demam Denggi telah dilaporkan, tiada perubahan berbanding minggu sebelumnya (Lampiran A). Walau bagaimanapun, terdapat lapan (8) negeri menunjukkan peningkatan kes berbanding minggu sebelumnya iaitu Perak meningkat sebanyak 10 kes (39%), Terengganu 5 kes (50%), Sarawak 4 kes (36%), Kedah 3 kes (21%), Negeri Sembilan 2 kes (25%) dan masing-masing 1 kes di Pulau Pinang (7%), Kelantan (6%) dan WP Kuala Lumpur & Putrajaya (3%).

Pada tahun 2012, bermula dari 1 Januari hingga 7 Julai, sebanyak 12,158 kes dilaporkan, meningkat sebanyak 1,417 kes atau 13% berbanding 10,741 kes bagi tempoh yang sama tahun 2011. Sejumlah 64 lokaliti mengalami wabak di seluruh negara melibatkan 20 daerah berbanding 17 daerah pada minggu sebelumnya dan tiada lokaliti *hot spots* dilaporkan pada minggu lepas. Bagi meneruskan kelangsungan Kementerian Kesihatan Malaysia dalam menjalankan aktiviti pencegahan Denggi, penglibatan Duta Sihat 1Malaysia masih berjalan sebagaimana dirancang. Pada 15 Julai 2012, Duta Sihat 1Malaysia akan mengunjungi dan bertemu dengan penduduk di Pulau Ketam, Selangor. Pelbagai aktiviti akan dijalankan seperti beramah mesra bersama Duta Sihat 1Malaysia, pameran, gotong-royong, kuiz dan sebagainya. Melalui kunjungan ini, pihak Kementerian Kesihatan berharap ia dapat memperkasakan lagi usaha-usaha membanteras Denggi di tempat tersebut selain dapat mendekati masyarakat setempat. Masyarakat setempat dijemput hadir beramai-ramai bagi

menjayakan aktiviti tersebut. Di samping itu, aktiviti mencari dan menghapuskan tempat pembiakan Aedes di setiap kediaman mesti diteruskan oleh masyarakat bagi memastikan punca pembiakan Aedes dapat dihapuskan.

DATO' SRI DR HASAN ABDUL RAHMAN

Ketua Pengarah Kesihatan Malaysia

9 Julai 2012

Lampiran A

KES DENGGI DILAPORKAN PADA MINGGU 27/2012
(1 hingga 7 Julai 2012)

| Bil. | Negeri | Bilangan Kes dan Kematian di laporkan | | Jumlah Terkumpul kes denggi sehingga minggu 27/2012 | Jumlah Terkumpul kes denggi sehingga minggu 27/2011 |
|------|------------------|---------------------------------------|---------------------------------|---|---|
| | | Minggu 27 (1 – 7 Julai 2012) | Minggu 26 (24 – 30 Jun 2012) | | |
| 1 | Perlis | 4 | 5 | 108 | 41 |
| 2 | Kedah | 17 | 14 (2) | 441 (3) | 254 |
| 3 | P. Pinang | 16 | 15 | 455 (1) | 1,023 (2) |
| 4 | Perak | 36 (1) | 26 | 842 (3) | 677 (2) |
| 5 | Selangor | 155 | 173 | 5,577 (11) | 4,108 (5) |
| 6 | WPKL & Putrajaya | 30 | 29 | 1,159 (3) | 979 (1) |
| 7 | N. Sembilan | 10 | 8 | 229 (1) | 419 |
| 8 | Melaka | 5 | 5 | 303 | 236 |
| 9 | Johor | 24 | 29 | 870 (1) | 945 (5) |
| 10 | Pahang | 12 | 13 | 371 (1) | 515 (1) |
| 11 | Terengganu | 15 | 10 | 418 | 378 (1) |
| 12 | Kelantan | 19 | 18 | 620 | 355 (1) |
| 13 | Sarawak | 15 | 11 | 510 | 552 |
| 14 | Sabah | 6 | 8 | 247 (1) | 253 (1) |
| 15 | WP Labuan | 0 | 0 | 8 | 6 |
| | MALAYSIA | 364 (1) | 364 (2) | 12,158 (25) | 10,741 (19) |

Nota: () Kematian